



Achinyamata

**—Kodi Moyo Wanu
Mudzaugwiritsa
Ntchito Bwanji?**

Achinyamata

—Kodi Moyo Wanu Mudzaugwiritsa Ntchito Bwanji?

NDIKUFUNA kuti moyo wanga ukhale wopindulitsa kwambiri.” Mtsikana wina anatero. Mosakayika, inu mukufunanso mutapindula. Koma kodi mungatani kuti moyo wanu ukhale “wopindulitsa kwambiri”? Manyuzipepala, mabuku, wailesi, ma TV ndi anzanu, mwinanso ngakhale aphunzitsi anu anganene kuti mungakhale ndi moyo wopindulitsa kwambiri ngati mukhala ndi ndalamu zambiri ndi kugwira ntchito yapamwamba zedi—kukhala ndi mbiri yoti mwachita zazikulu.

Koma Baibulo limachenjeza achinyamata kuti kufunafuna kulemera kapena kutchuka ndi “kungosautsa mtima.” (Mlaliki 4:4) Chifukwa chimodzi n’chakuti ndi achinyamata ochepa okha amene amadzakhaladi olemera ndi otchuka. Komanso nthawi zambiri amene amapezadi zimenezi amadzakhumudwa nazo. Wachinyamata wina wa ku Britain amene anaphunzira ntchito yapamwamba anati: “Kulemera ndi kutchuka zili ngati bokosi lopanda kanthu. Ukyang’ana m’katimo, upeza kuti mulibe kanthu.” N’zoona kuti nthawi zina ntchito ingakulemeretseni ndi kukhala munthu wolemekezeka. Koma siingakupatseni ‘zosowa zanu zauzimu.’ (Mateyu 5:3, NW) Ndiponso, 1 Yohane 2:17 amachenjeza kuti “dziko lapansi lipita.” Ngakhale mulemere ndi kukhala wotchuka m’dziko lino, sizidzakhala nthawi yaitali.

N’chifukwa chake Mlaliki 12:1 amalimbikitsa achinyamata kuti: “Ukumbukirenso Mlengi wako masiku a unyamata wako.” Inde, njira yabwino kwambiri imene mungagwiritsire ntchito moyo wanu ndiyo kutumikira Yehova Mulungu. Komabe choyamba mufunika kukhala woyenerera kutumikira Mulungu. Kodi mungayenerere bwanji? Ndipo kodi kutumikira Mulungu kumafuna chiyan?

Zofunika Kuti Mukhale Mboni ya Yehova

Choyamba, moyenera kukhala ndi mtima wofuna kutumikira Mulungu. Sizimangochitika zokha kuti mufune kutumikira Mulungu, ngakhale makolo anu atakhala Akristu. Moyenera kukhala paubale ndi Yehova. Mtsikana wina anati: “Kupemphera kumathandiza kuti ukhale paubale ndi Yehova.”—Salmo 62:8; Yakobo 4:8.

Pa Aroma 12:2 akufotokoza chinthu china chimene mufunika kuchita. Akuti: ‘Zindikirani [“tsimikizirani nokha,” NW] chimene chili



chifuno cha Mulungu chabwino, ndi chokondweretsa, ndi changwi-ro.’ Kodi nthawi zina mumakayikira zinthu zimene anakuphunzitsani? Ngati ndi choncho, tsatirani langizo la m’Baibuloli, ndipo “tsimikizirani nokha” kuti zimenezi n’zoona. Fufuzani nokha. We-rengani Baibulo ndi mabuku othandiza kuphunzira Baibulo. Komabe, kuphunzira za Mulungu sinkhani yongofufuza mfundo chabe ayi. Khalani ndi nthawi yosinkhasinkha zimene mwaŵerenga kuti zikhazikike mumtima wanu wophiphiritsa. Zimenezi zidzaku-thandizani kukonda kwambiri Mulungu.—Salmo 1:2, 3.

Chotsatira, yesani kuuza ena pa mpata uliwonse zimene mu-kuphunzira, mwina anzanu a kusukulu. Kenako, yambani kulalikira kunyumba ndi nyumba. Nthawi zina munga-kumane ndi mnzanu wa kusukulu pamene mukulalikira, ndipo mwina moyamba mungamangike. Koma Baibulo limatilimbikitsa kuti ‘tisachite manyazi ndi uthenga wabwino.’ (Aroma 1:16) Mukulalikira uthenga wopatsa moyo ndi chiyembekezo. Nanga n’kuchitiranji manyazi?

Tsopano, ngati makolo anu ali Akristu, moyenera kuti mumatsagana nawo muulaliki. Koma kodi mumatha kuchita zambiri osati kungokhala chete pakhomu kapena kungogawa magazini ndi mathirakiti basi? Kodi panokha mumalankhula mukafika panyumba ya munthu, kuphunzitsa mwini nyumbayo pogwiritsa ntchito Baibulo? Ngati simutha kuchita zimenezi, pemphani makolo anu kapena Mkristu aliyense wokhwima mwaizimu mumpingo wanu kuti akuthandizeni. Khalani ndi cholinga choti moyenerere kukhala wofalitsa wosabatizida wa uthenga wabwino.

Pakapita nthawi, mudzalimbikitsidwa kuti mudzipatulire—kulumbira kwa Mulungu kuti mudzam’tumikira kuyambira tsiku lime-nelo mpaka m’tsogolo. (Aroma 12:1) Komabe, munthu sumango-dzipatulira kwa wekha basi ayi. Mulungu amafuna kuti anthu onse ‘avomereze [“alengeze kwa anthu onse,” NW] kutengapo chipulumutszo.’ (Aroma 10:10) Panthaŵi ya ubatizo, choyamba mufunika chikhulupiro chanu ndi pakamwa. Kenako mumabatidwa m’madzi. (Mateyu 28:19, 20) Inde, ubatizo si nkhanu ya masewera. Koma musasiye kufuna kubatidwa chifukwa choganiza kuti mwina mudzalephera kukwaniritsa kudzipatulira kwanu. Ngati mudalira Mulungu kuti akupatseni mphamvu, adzakupatsani “ukulu woposa wa mphamvu [“mphamvu zoposa zaumunthu,” NW]” kuti mukhalebe wolimba.—2 Akorinto 4:7; 1 Petro 5:10.

Panthaŵi ya ubatizo, mumakhala mmodzi wa Mboni za Yehova. (Yesaya 43:10) Zimenezi zienera kukhudza kwambiri mmene mu-nagagwiritsire ntchito moyo wanu. Kudzipatulira kumafuna kuti ‘mu-dzikane nokha.’ (Mateyu 16:24) Mungasiye zolina ndi zofuna zanu


zina ndi ‘kuthanga mwafuna Ufumu wa Mulungu.’ (Mateyu 6:33) Motero, kudzipatulira ndi kubatizidwa zimatsegula mwayi wauku-wochitira zimenezo. Tiyenikambirane zina mwa izo.

Mwayi Wosiyanasiyana Wotumikira Mulungu Nthawi Zonse

• **Upainiya** ndi umodzi wa mwayi wautumiki. Mpainiya ndi Mkristu wobatizidwa wachitsanzo chabwino amene amakonza zolalikira uthenga wabwino kwa maola osachepera 70 mwezi uliwonse. Kuthera nthawi yaikulu m’munda kudzakuthandizani kukulitsa luso lanu lolalikira ndi kuphunzitsa. Apainiya ambiri apeza chimwemwe chifukwa chothandiza anthu amene amaphunzira nawo Baibulo kukhala Mboni zobatizidwa. Kodi pali ntchito yosangalatsa ndiponso yokhutritsa ngati kutumikira Mulungu?

Apainiya ambiri amagwira ganyu kuti azipeza zosowa pa moyo wawo. Ena amakonzeratu za mmene azidzapezera zosowazi mwa kuphunzira ntchito yamanja kusukulu kapena kwa makolo awo. Ngati inu ndi makolo anu mukuona kuti zingakhale bwino kuchita maphunziro ena owonjezera mukamaliza maphunziro a ku sekondale, one-tssetsani kuti cholinga chanu sindicho kupeza ndalamu zambiri koma kuti maphunzirowo akuthandizeni kutumikira ndiponso mwina kuchita utumiki wanthaŵi zonse.

Komabe, chofunika kwambiri kwa mpainiya si ntchito yake yopezera ndalamayo koma utumiki wake—kuthandiza ena kuti apeze moyo. Bwanji osakhala ndi cholinga chochita upainiya? Upainiya umatsegulanso mpata wochita mautumiki ena. Mwachitsanzo, apainiya ena amapita ku madera kumene kukufunika ofalitsa Ufumu ambiri. Ena amaphunzira chinenero china ndiyeno n’kumatumikira mumpingo umene amalankhula chinenero chimenecho m’dziko lawo lomwelo kapena amapita kudziklo lina. Inde, kuchita upainiya n’kopindulitsa kwambiri!



● **Sukulu ya Akhristu Olalikira za Ufumu** ndi mwayi winanso wonjezera utumiki. Sukuluyi imakhala ya miyezi iwiri ndipo cholinga chake n'kuphunzitsa apainiya aluso amene ndi okonzeka kusamukira ku madera komwe kukufunika ofalitsa ufumu ambi-ri. Apainiyawa amakhala ndi mtima wodziperekwa ngati wa Yesaya amene anati: “Ine ndilipo! Nditumizeni.” Amachita izi potsanzira Yesu Khristu, yemwe ndi Mlaliki wamkulu. (Yesaya 6:8; Yohane 7: 29) Apainiyawa akasamuka amafunika kusintha zinthu zina kuti azolowere moyo wa kumene akukhalako. Zili choncho chifukwa chikhaldwe, nyengo komanso zakudya zingakhale zosiyana ndi zomwe anazolowera kwavo. Nthawi zina angafunikenso kuphunzira chinenero chatsopano. Sukuluyi imaphunzitsa abale osakwatisira, alongo osakwatiwa komanso mabanja kuti akhale ndi makhalidwe abwino komanso kuti awonjeze-re luso pa utumiki wawo n'cholina choti Yehova awagwiritse ntchito kwambiri m'gulu lake. Abale ndi alongowa amakhala azaka zapakati pa 23 ndi 65.

● **Utumiki wa pa Beteli** ndi utumiki umene munthu amadziperekwa kumikira pa nthambi ya Mboni za Yehova. Ena a m'banja la Beteli amagwira ntchito yopanga mabuku othandiza kuphunzira Baibulo. Ena amagwira ntchito zina zothandizira ntchito yopanga mabuku, monga kukonza nyumba ndi zipangizo zikawonongeka kapena kusamalira banja la Beteli. Ntchito zonsezi ndi mwayi wautumiki wopatuli-ka kwa Yehova. Ndiponso, amene ali pa Beteli amasangalala kudiwa kuti zimene akuchita zikupindulitsa abale awo ambirimbiri padziko lonse.



Nthawi zina amene amawaitana kukatumikira pa Beteli amakha-la abale amene akudziwa ntchito inayake yapadera. Komabe, ambi-ri amaphunzira atafika pa Beteli. Amene ali pa Beteli satumikira chifukwa chofuna phindu lakuthupi, m'malo mwake amakhutira ndi chakudya chimene amalandira, malo ogona, ndiponso kandalama kochepa kopezera zosowa zazing'ono. Wachinyamata wina yemwe

ali pa Beteli anafotokoza za utumiki wake kuti: “Ndi utumiki wosangalatsa kwambiri. Ndandanda ya zimene timachita siyophweka, koma ndapindula kwambiri chifukwa chotumikira pano.”

● **Utumiki wa zomangamanga** ndi utumiki wothan-diza kumanga maofesi a nthambi komanso Nyumba za Ufumu. Abale ndi alongo amene amachita utumiki umenewu amagwira ntchito modziperekwa. Umenewu ndi utumiki wina wopatulika, wofanana ndi ntchito imene anagwira anthu omwe anamanga kachisi wa Solomo. (1 Mafumu 8:13-18) Abale ndi alongo amene amachita utumiki wa zomangamanga amasamalidwa mofanana ndi a m'banja la Beteli. Ndi mwayi waukulutu umene abale ndi alongo amenewa ali nawo, kutumikira m'ntchito imeneyi yotamanda Yehova!

Tumikirani Yehova ndi Mtima Wonse

Njira yabwino kwambiri yogwirtsira ntchito moyo wanu ndiyo kumikira Yehova. Bwanji osakhala ndi cholinga chotumikira Mulungu nthawi yonse? Kambiranani za utumiki wanthalwi zonse ndi makolo anu, akulu a mpingo wanu, ndi woyang'anira dera wanu. Ngati mukufuna kukatumikira ku Beteli kapena kulowa Sukulu ya Akhristu ya Olalikira za Ufumu, mudzakhale nawo pa msonkhano wa anthu ofuna utumiki wa pa Beteli kapena kupita ku sukuluyi omwe umachitika pa msonkhano wachigawo.

N'zoona kuti si onse amene angayenerere kapena angathe kuchita utumiki wanthalwi zonse. Nthawi zina matenda, mavuto a zachuma, ndi udindo wa m'banja zimalepheretsa munthu kuchita zambiri. Ngakhale zili choncho, Akristu onse odzipatulira ayenera kumvera lamulo la m'Baibulo lakuti: “Uzikonda Ambuye Mulungu wako ndi mtima wako wonse, ndi moyo wako wonse, ndi nzeru zako zonse.” (Mateyu 22:37) Yehova amafuna kuti muchite zonse zimene mungathe malinga ndi mmene zinthu zilili kwa inu. Motero, kaya zinthu zili motani, kutumikira Yehova kukhale cholinga chanu chachikulu m'moyo. Khalani ndi zolina zimene mungazikwanitse mu utumiki wanu kwa Mulungu. Inde, ‘kumbukirani Mleni wanu m'masiku a unyamata wanu,’ ndipo mukatero, mudzapindula mpaka muyaya.

Malemba m'thirakiti lino akuchokera m'Baibulo la Revised Nyanja (Union) Version, kusiyapo ngati ta-sonyeza Baibulo lina. Komabe Chinyanjacho tachilemba m'kalembedwe kamakono. © 2002 Watch Tower Bible and Tract Society of Pennsylvania.

